

হুমায়ুন আজাদের ওপর হামলায় লন্ডন প্রবাসী বিশিষ্ট ব্যক্তিদের উদ্বেগ

স্টাফ রিপোর্টার ॥ অধ্যাপক ড. হুমায়ুন আজাদের ওপর হামলায় গভীর উদ্বেগ প্রকাশ ও হামলার তীব্র প্রতিবাদ করেছেন লন্ডন প্রবাসী বিশিষ্ট ব্যক্তিবর্গ ও পেশাজীবী সংগঠনের নেতৃবৃন্দ।

বিবৃতিতে তাঁরা মৌলিক মানবাধিকার রক্ষায় কার্যকর পদক্ষেপ গ্রহণ ও অপরাধীদের শাস্তি বিধানের জন্য সরকারের প্রতি দাবি জানিয়ে বলেন, অধ্যাপক আজাদ একজন পণ্ডিত এবং তিনি যা বিশ্বাস করেন তা বলতে কখনই ভীত হননি। আজ এ বর্বরোচিত হামলার কারণে তাঁর জীবন হুমকির সম্মুখীন।

তাঁরা বলেন, যদিও হামলার মোটিভ সম্পর্কে এখনও কিছু জানা যায়নি, তবে তাঁর সহকর্মী লেখক ও পরিবার অভিযোগ করেছে—তাঁর সর্বশেষ গ্রন্থ পাক সার জমিন সাদ বাদ-এর জন্য একটি মৌলবাদী চক্র তাঁর প্রাণনাশের হুমকি দিয়েছিল। সম্প্রতি জামায়াত নেতা দেলোয়ার হোসেন সাঈদী বইটি নিষিদ্ধ ও লেখকের শাস্তির দাবি জানিয়েছেন।

বিবৃতিদাতাদের মধ্যে রয়েছেন প্রখ্যাত লেখক আবদুল গাফ্ফার চৌধুরী, উর্মি রহমান, আমিরুল ইসলাম চৌধুরী, নবাবউদ্দিন, শামিম আজাদ, এসএন সুলায়মান, খাদিজা রহমান, ঈশিতা আজাদ, আসিফ সালেহ, বিশ্বসাহিত্য কেন্দ্র লন্ডন, জাকির হোসেন, জগলুল হোসেন, আবুল কালাম আজাদ, মুকিত চৌধুরী, কেতকী কুশারী দায়সন, শাহিন জামান, রেনু লুৎফা, হাসানিন চৌধুরী, উর্মি মাজহার, নাহাস পাশা, শফিকুল ইসলাম (ইউএনবি), এসএম সুলতানা শিখা, ডলি ইসলাম, মুশতাক কোরেশী, মুসলেহউদ্দিন আহমেদ, এনাম আলী, আব্দুল আজিজ, জাহিদা সান্ত্রার, অরুণা চৌধুরী, রফিক আহমেদ, জুলিয়া কর, তাবেদার রসুল বকুল, শাহনাজ রহমান প্রমুখ।